

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja

fax: + 387 33 552 810

selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja

fax: + 387 33 552 810

dzenita@sogfbih.ba

Sadržaj biltena:

Općinska vijeća devet općina uspješno prošla uvodnu obuku	1
Održan sastanak načelnika gradskih općina sa gradonačelnikom Sarajeva	1
Predstavnici općina i gradova FBiH o ustavnim promjenama	2
INTERVJU: Bego Birparić, načelnik Općine Banovići	3
Posjeta finskog ambasadora Općini Tuzla	4
Predstavnici turskog grada Samsun-a posjetili Općinu Lukavac	5
Otvorena tvornica peleta 'Interwork' u B.Petrovcu	5
Rekonstrukcija Starog grada Ostrovnica iznad Kulen Vakufa	6
Općina Tešanj predstavila se na investicijskom forumu u Londonu	6
Aktivirana Baza konsultanata Saveza općina i gradova FBiH	7
Švedski međunarodni centar za lokalnu demokratiju nudi program usavršavanja za lokalne liderke	7
Studijska posjeta Briselu iz oblasti EU politika u upravljanju otpadom	8
Studijska posjeta Briselu iz oblasti ruralnog razvoja	8
Dani općina za mjesec maj/svibanj i bitni datumi za Savez	8

Bilten Saveza općina i gradova Federacije Bosne i Hercegovine

OPĆINSKA VIJEĆA DEVET OPĆINA USPJEŠNO PROŠLA UVODNU OBUKU

SARAJEVO, 25. april/travanj – U proteklih mjesec dana, Savez općina i gradova Federacije Bosne i Hercegovine, je u okviru projekta "Sistem obuke za jedinice lokalne samouprave", a u saradnji sa Razvojnim programom ujedinjenih nacija (UNDP) i uz podršku OSCE-a organizovao devet obuka za općinske vijećnike. Seminar su vodili Predrag Šupljeglav, načelnik Odjela za organizaciju, pravne poslove, opću upravu, civilnu zaštitu i vatrogastvo, Grad Mostar i Hazima Pecirep, rukovodilac Službe za integrirani lokalni razvoj, Općina Novi Grad Sarajevo, te ispred Saveza, Edin Demirović, saradnik za lokalnu samoupravu.

Seminari su održani u sljedećim općinama: Konjic, Donji Vakuf, Goražde, Ilidža, Pale-Prača, Maglaj, Bosansko Grahovo, Zavidovići i Kladanj, a u toku je priprema seminara za općine Gornji Vakuf-Uskoplje, Glamoč, Kalesiju, Sapnu, Žepče i Busovaču.

Tokom seminara, općinskim vijećnicima se pruža prilika da se upoznaju sa normativnim okvirom i nadležnostima lokalne samouprave, zatim će moći steći polazno razumijevanje strukture i mehanizama funkcionisanja lokalne vlasti, posebno vodeći računa o odnosima između vijeća i načelnika općine kao najvažnijih aktera lokalne vlasti. Također, ovladat će osnovnim elementima upravljanja budžetom, tako da mogu da se kompetentno uključe u donošenje budžeta za sljedeću godinu, te će steći podsticajan uvid u izazove i prednosti lokalne demokratije, saradnje sa građanima i nevladinim organizacijama.

U okviru seminara svi učesnici dobijaju priručnik „Lokalna uprava od A do Ž – Vodič za novoizabrane lokalne zvaničnike“ kao polazni materijal za obuku lokalnih zvaničnika – (grado)



Sa seminara u Bosanskom Grahovu, 18.04.2013

Sa seminara u Kladnju, 24.04.2013

načelnika jedinica lokalnih samouprava, njihovih zamjenika, vijećnika u Bosni i Hercegovini – kako bi stekli solidan uvid u funkcionisanje lokalne samouprave, koji će im omogućiti ispunjavanje uloga i odgovornosti koje su im povjerili građani. Inače, edukacija za vijećnike se odvija u skladu sa Strategijom obuke za jedinice lokalne samouprave u Federaciji Bosne i Hercegovine 2011. – 2015. godine, koju je usvojila Vlada FBiH i nadležna tijela Saveza.

ODRŽAN SASTANAK NAČELNIKA GRADSKIH OPĆINA SA GRADONAČELNIKOM SARAJEVA

Četvrti radni sastanak načelnika gradskih općina Grada Sarajeva održan je 22. aprila/travnja 2013. godine u Općini Novi Grad Sarajevo. Sastanku su prisustvovali načelnik Općine Centar Sarajevo - Dževad Bećirević, načelnik Općine Stari Grad Sarajevo - Ibrahim Hadžibajrić, načelnik Općine Novo Sarajevo - Nedžad Koldžo, načelnik Općine Novi Grad Sarajevo - Semir Efendić, gradonačelnik Grada Sarajeva - Ivo Komšić, predsjedavajući Gradskog vijeća - Sabahudin Delalić, te direktor Zavoda za planiranje razvoja Kantona Sarajevo - Hamdija Efendić.

Razgovarano je o problematiki urbanog planiranja, odnosno donošenja regulacionih planova koje je u nadležnosti Grada Sarajeva. S tim u vezi općine se suočavaju sa mnogo problema, pogotovo kada se radi o izmjenama i korekcijama planskih dokumenata. Kako je istaknuto, sve općine u Bosni i Hercegovini imaju nadležnost planiranja i raspolaganja nad svojim prostorima, osim četiri gradske općine Sarajeva, što se do sada pokazalo kao jedna od velikih kočnica u njihovom razvoju.



Jedna od posljedica takve situacije je i nelegalna izgradnja stambenih objekata kojih je na desetine hiljada na području četiri sarajevske općine.

Također je rečeno da donošenje pojedinih regulacionih planova vrlo često traje i po nekoliko godina, što je prepreka za ulaganja potencijalnih investitora na osnovu čega bi se popunjavali općinski budžeti i ta sredstva ulagala u projekte razvoja komunalne i druge infrastrukture. Učesnici sastanka su usaglasili stavove koji se odnose na brže i efikasnije donošenje regulacionih planova, a gradonačelnik Komšić je iskazao uvjerenja kako će učiniti sve da nadležne službe Gradske uprave Sarajeva u budućnosti budu efikasnije i da imaju dobru saradnju sa općinskim službama i Zavodom za planiranje razvoja Kantona Sarajevo, koji je stručni organ bez kojeg se prostorni plan ne može donositi niti dopunjavati.

Naredni sastanak načelnika četiri gradske općine sa gradonačelnikom Sarajeva bit će održan narednog mjeseca u Gradskoj upravi.



Sa sastanka načelnika gradskih općina i gradonačelnika Sarajeva

PREDSTAVNICI OPĆINA I GRADOVA FBiH O USTAVNIM PROMJENAMA

U Općini Centar, 12. aprila/travnja 2013. godine održan je sastanak predstavnika Saveza općina i gradova Federacije BiH i članova ekspertne grupe za izmjenu Ustava FBiH na kojem su izneseni stavovi i mišljenja u vezi sa mogućom izmjenom Ustava Federacije BiH.

Sastanku su prisustvovali Rasim Omerović, načelnik Općine Kalesija, Emir Bubalo, načelnik Općine Konjic, Asim Mekić, načelnik Općine Busovača, Vesna Travljanin, direktorica Saveza općina i gradova FBiH, Zlata Turkić, viši saradnik u Savezu, Jasmina Zubić, zastupnica u Predstavničkom domu Parlamenta FBiH, te članovi ekspertne grupe za ustavne promjene: Krešimir Zubak, Vehid Šehić, Kasim Trnka i Mile Lasić. U ime Općine Centar prisustvovali su sekretar općinskog organa uprave Željko Varunek i savjetnici načelnika Mustafa Resić, Tarik Hadžimerović, Edina Muslić i Muamer Hodžić.

Kako se navodi na web stranici Općine Centar Sarajevo, sastanak je održan u sklopu Projekta za ustavnu reformu Federacije BiH koji je podržan od strane USAID (United States Agency for International Development). Ekspertna grupa ima zadatak da konsultuje jedinice lokalne samouprave i čuje njihovo mišljenje, očekivanja i prijedloge koji bi doprinijeli unapređenju funkcionalnosti i efikasnosti u Federaciji BiH. Na sastanku u Općini Centar je bilo riječi o prijedlozima izmjena Ustava Federacije BiH koji se odnose na položaj i nadležnosti općina i gradova, a posebice Grada Sarajeva u odnosu na više nivo vlasti, pri čemu je naglasak dat na vraćanje nadležnosti lokalnim organima vlasti. Na osnovu vizija, želja i potreba lokalnih zajednica kad je u pitanju proces reforme ustava i kreiranje uvjeta za efikasniji rad lokalnih zajednica i dostizanje visokih standarda u pružanju usluga građanima, ekspertna grupa će do 15. maja/svibnja pripremiti konkretne prijedloge za promjene Ustava Federacije BiH i prezentirati ih javnosti.



Sa sastanka sa ekspertnom grupom

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc.bih-mne.org
www.srb-bih.org
www.chc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurlemsmed.com
www.eacea.ec.europa.eu



USAID
FROM THE AMERICAN PEOPLE

INTERVJU: BEGO BIRPARIĆ, NAČELNIK OPĆINE BANOVIĆI

Razgovarao: Ismar Šmigolović

SARAJEVO, 21. APRILA (ONASA) - Načelnik Općine Banovići Bego Birparić u intervjuu za Agenciju ONASA, između ostalog, govori o aktivnostima lokalne vlasti u narednom periodu, problemima s kojima se suočava ova općina, privrednim potencijalima i uspjesima, te zapošljavanju, posebno mladih osoba s područja općine Banovići.

ONASA: Na proteklim lokalnim izborima osvojili ste novi načelnički mandat. Na čemu će biti akcenat Vašeg rada u Banovićima u narednom periodu?

BIRPARIĆ: Akcenat aktivnosti u narednom period treba ići u smjeru kojim smo i do sada išli, osim ako brži i jači intenzitet ne bude ograničen općim negativnim političkim i privrednim ambijentom u BiH.

Dakle, akcenat našeg rada treba biti na stvaranju boljih uslova za razvoj privatne inicijative, očuvanju već postojećih privrednih subjekata u vremenima opće recesije, stimulisanju i poticanju za otvaranje novih radnih mjesta, nastavku izgradnje infrastrukture grada i cijele općine, a prije svega poboljšanju vodosnabdijevanja i toplifikacije grada.

ONASA: Posljednjih godina puno se govori o izgradnji termoelektrane i cementare u Banovićima. U kojoj je fazi plan izgradnje u ovom trenutku?

BIRPARIĆ: Izgradnja termoelektrane i cementare je uveliko izvjesna. Mnoge aktivnosti, u smislu izrade projektnih dokumentacija i ishođenja dozvola, već su završene.

Pitanje izgradnje termoelektrane je u fazi pregovora sa zainteresovanim investitorima, a pitanje cementare je u fazi izrade idejnog projekta.

Kako su uslovi i ambijent za izgradnju termoelektrane skoro pa odlični, jer imamo dovoljne rezerve kvalitetnog uglja, kvalifikovanu radnu snagu, povoljnu energetska infrastrukturu, i što je posebno važno, zbog razvoja industrijske svijesti, imamo podršku cijele lokalne zajednice i viših nivoa vlasti, za očekivati je da već sljedeće godine imamo građevinsku dozvolu i prve zemljane radove.

Uporedo s tim, dalje ćemo nastaviti aktivnosti oko izgradnje cementare, s obzirom na postojanje svih potrebnih resursa na ovom lokalitetu i na potrebu tržišta u BiH za ovim proizvodom.

ONASA: Koji su najveći problemi s kojima se suočava općina Banovići?

BIRPARIĆ: Najveći problem svake lokalne zajednice, pa samim tim i Banovića, je nestabilna politička situacija na višim nivoima vlasti na što ne možemo uticati, a to koči brži razvoj svake općine.

Novac se zadržava na nivou države, entiteta ili kantona, a stvarni problemi ostaju na nivou lokalne zajednice. Konkretno, najveći problem je nezaposlenost.

Izmjenom i dopunom zakona koji tretira ovu oblast, novac koji se izdvaja za ove potrebe treba usmjeriti lokalnim zajednicama gdje se nalaze problemi nezaposlenosti, gdje se trebaju i mogu naći brža i bolja rješenja za otvaranje novih radnih mjesta.

ONASA: Šta lokalna vlast može uraditi na povećanju stope zaposlenosti, posebno mladih i obrazovanih kadrova?

BIRPARIĆ: Nismo, naravno, zadovoljni stepenom zaposlenosti, ali čini mi se da smo jedna od rijetkih općina koja na tom polju ima značajnih pomaka.

Prošle godine smo zaposlili svu djecu šehidskih porodica, vodimo računa o demobilisanim borcima i Općina smo, skoro pa jedina, koja omogućava volontiranje mladih kadrova i koja je sva javna preduzeća i ustanove, kao i nadzorne, upravne i revizione odbore povjerila mladim kadrovima.

Ako na sve ovo dodamo da je prije mjesec oko 200 radnika skinuto s Biroa za zapošljavanje i zaposleno u našim preduzećima, onda, s obzirom na veličinu lokalne zajednice, možemo s optimizmom nastaviti s ovakvim aktivnostima.

ONASA: Kakvom biste ocijenili trenutnu ekonomsku situaciju na području Banovića?

BIRPARIĆ: Za sada je stabilna. Imamo stabilan Rudnik mrkog uglja i dobru metalnu i tekstilnu djelatnost koja se ogleda kroz mala i srednja preduzeća.



Bego Birparić, načelnik Općine Banovići



Grb Općine Banovići



Banovići



Banovići

Ali nikada niste sigurni kada će opća nestabilnost u državi početi značajno negativno uticati i urušiti funkcionisanje Rudnika kao glavnog nosioca privrednog razvoja Banovića.

Znajući za takvu opasnost, jer smo je više puta osjetili, na lokalnom nivou smo dobro politički i društveno organizovani da se možemo efikasno i brzo suprostaviti takvim negativnostima. Ovo nam je prioritet svih prioriteta.

A za rad i ostalo nemamo bojazni, jer imamo dobre i iskusne privrednike i školovan kadar.

ONASA: Najveći nosilac privrednog razvoja Banovića svakako je Rudnik mrkog uglja. Možete li nam reći koji su ostali privredni subjekti na koje Vaša općina može biti ponosna?

BIRPARIĆ: Već smo spomenuli da imamo tradiciju i znanje za metalnu i tekstilnu industriju.

Imamo sposobne kadrove i dobro obučenu radnu snagu.

Dakle, rudarstvo, mašinska i tekstilna industrija su pravac našeg razvoja bili do sada, a naravno u pripremi je termoelektrana, cementara, kao i razvoj turizma s uskotračnom prugom na relaciji Banovići-Zlaća.

ONASA: Koje grane privrede imaju najveće potencijale za ulaganje u Banovićima i šta Općina čini kako bi privukla domaće i strane investitore?

BIRPARIĆ: Potencijali leže u našim resursima, a to su ugalj i kvalitetna radna snaga.

Dakle, najbrži razvoj može ići pravcu daljeg razvoja Rudnika i gradnje termoelektrane i cementare, a sve to treba pratiti s proširenjem elektro-mašinske proizvodnje i usluga, kao i s daljim razvojem tekstilne industrije.

U tome smo pola vijeka školovali svoju lokalnu zajednicu, a takvi potezi ne zahtijevaju velika ulaganja.

U vezi s ovim, Općina zajedno s Rudnikom radi na definisanju lokacije za industrijsku zonu gdje planiramo izgraditi infrastrukturu i dodatnim mjerama olakšica i poticaja stimulisati domaće i strane poduzetnike.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfoceantar.ba
www.balkanfund.org
www.eurelmed.com
www.eacea.ec.europa.eu

POSJETA FINSKOG AMBASADORA OPĆINI TUZLA

Načelnik Općine Tuzla, Jasmin Imamović, sa saradnicima, susreo se 17. aprila/travnja sa Nj. E. Pekka J. Metsa, ambasadorom Finske u Sloveniji i Bosni i Hercegovini. Ovo je druga posjeta ambasadora Finske Tuzli, a razlog posjete, prema riječima ambasadora, bio je razgovor o pitanjima iz oblasti energetske efikasnosti, inovacija i visokog obrazovanja.

Načelnik Imamović istakao je, da je Finska „pametna država“, zasnovana na jednom od najboljih obrazovnih sistema u Evropi i svijetu, na inovacijama i energetske efikasnosti, ali i stalnim radom na planiranju budućnosti. U tom smislu, govoreći o strategiji razvoja Tuzle do 2026. godine, načelnik Imamović naglasio je da Tuzla također ima namjeru postati „pametna grad“, što već pokazuje svojim dugoročnim planiranjem, te liderstvom u realizaciji projekata iz oblasti inovativnih tehnologija, energetske efikasnosti i sl.

Nj.E. Pekka J. Metsa rekao je da Finska ima naročito bogato iskustvo u oblasti visokog obrazovanja, kao i da u Finskoj postoje isključivo javni univerziteti, gdje se studenti već tokom studija povezuju sa kompanijama koje mogu podržati njihove ideje, kako bi se što bolje pripremili za tržište rada. Također je naglasio da je jedan od razloga tog uspjeha i visoko poštovanje koje učenici pokazuju prema učiteljima još od prvog razreda osnovne škole, te da upravo to poštovanje predstavlja osnovu i sjeme uspjeha koji se desio u Finskoj. Govoreći o svojim impresijama o Tuzli i Bosni i Hercegovini, Nj. E. ambasador je rekao da je veoma vezan za ovu zemlju, te da u njoj vidi ljude koji žele živjeti zajedno i u harmoniji, ali isto tako smatra da političari moraju raditi na ostvarenju tog cilja i imati više sluha za želje i potrebe svojih građana.



Grb Općine Tuzla



Zastava Finske

Savez / Zajedno za uređenu i razvijenu lokalnu samoupravu

DELEGACIJA TURSKOG GRADA SAMSUN-a POSJETILI OPĆINU LUKAVAC



Predstavnici turskog grada Samsun iz Republike Turske, susreli su se 23. aprila/travnja, sa načelnikom Općine Lukavac Dževadom Mujkićem, navodi se na općinskoj web stranici.

Načelnik Mujkić je gostima iz Turske predstavio Općinu Lukavac, upoznavši ih sa resursima kojima raspolaže,

ali i sa radom i nadležnostima lokalne zajednice, kao i partnerskim odnosima koji su uspostavljeni sa evropskim gradovima, izrazivši nadu da će se u skoroj budućnosti u partnerstvu naći Lukavac i Samsun. Veliki interes gostiju bio je usmjeren ka ulaganju stranih investicija na području općine, čime se prepoznala šansa za razvoj poslovnih odnosa. Predstavnici grada Samsuna su iskazali podršku saradnji koja je već uspostavljena između učenika iz Lukavca i Samsuna, što je i iniciralo dolazak turske delegacije u posjet Lukavcu.

Predsjednik školskog odbora osnovne škole iz Samsuna, dr. nuklearne medicine Oktay Japici, iskazao je na kraju posjete zadovoljstvo i nadu da ona predstavlja početak duže saradnje, dodavši: „Mi planiramo svake godine posjetiti vaš grad sa našim učenicima. Želimo da naši učenici uspostave saradnju sa učenicima iz Lukavca, uz pomoć engleskog ili turskog jezika. Takođe želimo vaše učenike dočekati u našem gradu, našoj školi. Učinićemo sve da ovdašnji narod, običaje i kulturu prezentujemo u našoj sredini i nadam se da će doći do uspješne saradnje“. On je istakao da je ovaj dan značajan za Republiku Tursku, jer se obilježava kao Dan djece i ustanovljen je kao državni praznik.



Samsun



Grb Općine Lukavac



Grb Grada Samsun-a

OTVORENA TVORNIKA PELETA 'INTERWORK' U B. PETROVCU



U poduzetničkoj zoni Gorinčani, 14. aprila/travnja otvorena je tvornica peleta 'Interwork'. Projekat je realiziran po greenfield sistemu u čijoj su realizaciji učestvovali domaći i strani investitori, a sama proizvodnja je bazirana na ekološki prihvatljivim principima.

Svečanom otvaranju tvornice su, pored predstavnika lokalnih i kantonalnih vlasti, prisustvovali i gosti iz Italije i Španije, te poslovni partneri i prijatelji. Tvornica peleta 'Interwork' predstavlja prvi privredni subjekt koji je otpočeo sa radom u poslovnoj zoni Gorinčani.

'Interwork' group u svojim proizvodnim objektima u Bosanskom Petrovcu trenutno zapošljava 25 radnika sa tendencijom daljnjeg rasta i proširenja.

„Otvaranje ovog proizvodnog pogona i zapošljavanje novih radnika za posmlu bosanskopetrovačku privredu od izuzetnog je značaja, jer će bar malo skratiti listu nezaposlenih, omogućiti punjenje budžeta, te poboljšati privrednu sliku Bosanskog Petrovca“, istakao je načelnik općine Bosanski Petrovac, Zlatko Huić, te dodao kako se, u skorije vrijeme, očekuje dobre informacije, vezano za firmu Novi Most iz Bosanske Krupe, koja proizvodi šasijske za autobuse.



Tvornica peleta 'Interwork'



Posjeta Starom gradu Ostrovica

**KORISNI LINKOVI ZA PREDPRISTUPNE
FONDOVE EU:**

www.southeast-europe.net
www.adriaticipabc.org
www.interregadriatico.it
www.europa.ba
www.chib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelsmad.com
www.eacea.ec.europa.eu

REKONSTRUKCIJA STAROG GRADA OSTROVICA IZNAD KULEN VAKUFA

Općina Bihać kroz projekat „Una-izvor života“ u proteklom periodu realizirala je nekoliko infrastrukturnih zahvata koji za cilj imaju stvaranje daleko boljih pretpostavki za razvoj Nacionalnog parka Una, koji se nalazi na teritoriji Općine Bihać. Jedan od tih projekata jeste i arheološko istraživanje i radovi na sjevernoj kuli starog grada Ostrovica lociranoj iznad Kulen Vakufa.

"Ovaj stari grad ima svoj historijski, ali i turistički značaj i njegovo uređenje obogatiti će turističku ponudu u NP Una. Ovdje treba ulagati u infrastrukturu ukoliko želimo masovniji dolazak turista. Općina Bihać će u idućem budžetu izdvojiti sredstva za nastavak sanacije starog grada Ostrovica, a u međuvremenu ćemo sanirati i put do Ostrovice"- kazao je načelnik Galijašević prilikom obilaska arheoloških radova starog grada.

Stari grad Ostrovica je iznimno vrijedna kulturno-historijska građevina koja je ujedno i nacionalni spomenik Bosne i Hercegovine, te je postupak prikupljanja dokumentacije za rekonstrukciju bio dugotrajan i veoma kompleksan. Općina Bihać i PLOD Centar su uz pomoć Zavoda za zaštitu kulturnog naslijeđa USK-a uspješno priveli ovaj postupak kraju, te se nakon izbora najboljeg ponuđača za izvođenje arheoloških radova i rekonstrukciju sjeverne kule Starog grada Ostrovica pristupilo izvođenju radova, koji se vrše pod nadzorom specijaliste za rekonstrukciju i restauracije kulturno-historijskih spomenika. Ukupna vrijednost radova arheološkog istraživanja i rekonstrukcije sjeverne kule na Starom gradu Ostrovici je 170.736 KM.

Projekat "Una-izvor života" kojeg financira Evropska unija iz IPA fondova je projekt prekogranične saradnje čiji je cilj razvijanje i promoviranje izvora rijeke Une u Hrvatskoj, te vodopada rijeke Une i Starog grada Ostrovica u Bosni i Hercegovini, kao jedinstvene turističke destinacije i ekonomski prostor kroz prekograničnu saradnju i udruživanje iskustva svih interesnih strana u prekograničnom području gornjeg toka rijeke Une. Projekat implementiraju Općina Bihać, PLOD Centar i Turistička zajednica Unsko-sanskog kantona iz Bosne i Hercegovine zajedno sa partnerima iz Hrvatske, i to Zadarskom županijom, Općinom Gračac, Zadarskom razvojnom agencijom- ZADRA, Turističkom zajednicom zadarske županije, JU za upravljanje zaštićenim dijelovima prirode Zadarske Županije i Udrugom "Una". Ukupna vrijednost projekta je 421.050 €, dok su se na BiH strani implementirale aktivnosti u vrijednosti 222.582 €.

OPĆINA TEŠANJ PREDSTAVILA SE NA INVESTICIJSKOM FORUMU U LONDONU

U Londonu je 18. aprila/travnja po prvi put organiziran Investicijski forum BiH-Velika Britanija, koji je zamišljen kao tematsko predstavljanje Bosne i Hercegovine i njenih potencijala za investiranje. Ambasada BiH u Londonu u suradnji sa Agencijom Developing Markets Associates Ltd (DMA) iz Londona, uz podršku Ministarstva vanjskih poslova BiH i FIPA-e organizirala je ovaj poslovni susret.

Investicijski forum je organiziran kroz četiri tematska panela:

- Investiranje u BiH
- Investiranje u energetske potencijale BiH
- Trgovina, poljoprivreda, turizam
- Investiranje u infrastrukturu i razvoj

Kroz ove četiri područja predstavljene su ekonomske pogodnosti za investiranje u BiH, mogućnosti iskorištenja energetske potencijala BiH, potencijali za trgovinsku razmjenu BiH i Velike Britanije, te neki od infrastrukturnih projekata (Koridor Vc, Izgradnja hidroenergetskih objekata,).

U delegaciji su, osim državnih i entitetskih ministarstava i agencija, učestvovali i tri općine: Tešanj, Laktaši i Prijedor.

U ime općine Tešanj forumu su prisustvovali Općinski načelnik Suad Huskić i savjetnik za pristup EU fondovima Ismar Alagić.

Osim općeg predstavljanja Općine Tešanj, prilika je iskorištena za predstavljanje tri projekta:

- Pogodnost za direktne strane investicije (FDI) kod pokretanja novog biznisa u poslovnim zonama,
- Projekat toplifikacije urbanih područja kroz javno-privatno partnerstvo,
- Gradnja sistema za prikupljanje i tretman otpadnih voda.

Ostvareni su i određeni kontakti koji bi u narednom periodu trebali doprinijeti rješavanju nekih od strateških opredjeljenja Općine Tešanj.



Ismar Alagić, Erdal Trhulj, Sanjin Halimović i Suad Huskić





AKTIVIRANA 'BAZA KONSULTANATA' SAVEZA OPĆINA I GRADOVA FBiH



Savez općina i gradova Federacije Bosne i Hercegovine je, uz finansijsku podršku Švedske razvojne agencije – Sida, kroz projekat “Razvoj kapaciteta saveza općina i gradova u Bosni i Hercegovini - CDMA”, izradio bazu konsultanata za teme i oblasti od značaja za rad općinskih/gradskih službi, kao i izabranih predstavnika (načelnika/gradonačelnika i vijeća).

Namjera formiranja ovakve baze jeste da se na jednom mjestu nađu sva relevantna pravna i fizička lica koja su, kroz svoj angažmana, spremna i sposobna da pomognu i unaprijede rad lokalnih zajednica.

Baza se nalazi na eksternom serveru, kojem je moguće pristupiti putem web stranice Saveza općina i Federacije BiH (www.sogfbih.ba), vertikalni meni (Baza konsultanata) www.sogfbih.ba/index.php?lang=ba&sel=52

Baza se popunjava po principu samoregistriranja uz superviziju Saveza, te kao ovakva nije konačna, već se svakodnevno ažurira shodno razvoju konsultantskog tržišta.

Svako pravno ili fizičko lice koje želi da se njegovi podaci nađu u "Bazi", odnosno da ponudi svoje usluge tržištu putem ovakve baze, treba da izvrši registraciju.

Registracija se vrši klikom na katanac koji se nalazi na krajnjoj desnoj strani horizontalne meni linije. Nakon uspješno izvršene registracije na svoj e-mail korisnik dobije password putem kojeg može mijenjati svoj profil. Podaci o novom konsultantu postaju vidljivi u bazi nakon što se izvrši potvrda od strane administratora Baze (Saveza).

Podaci iz baze su lako dostupni i na usluzi svima koji traže edukatore iz oblasti kojima se bavi ili su bitne za lokalne zajednice.



ŠVEDSKI MEĐUNARODNI CENTAR ZA LOKALNU DEMOKRATIJU (ICLD) NUDI PROGRAM USAVRŠAVANJA ZA LOKALNE LIDERKE



Swedish International
Centre for Local Democracy

www.icld.se

Švedski međunarodni
Centar za lokalnu
demokraciju (ICLD)
pokrenuo je
Međunarodni trening
program “Local

Political Leaders - Capacitating Women in Politics”.

Program je namjenjen lokalnim liderkama, i kroz ovaj program 25 odabranih liderki će dobiti priliku da unaprijede svoje znanje i vještine u sljedećim područjima:

- Uloge i odgovornosti različitih sudionika u političkom procesu;
- Znanje o provođenju reformskih procesa s rodne perspektive;
- Unaprijeđenje vještine u upravljanju promjenama i strateškom planiranju

Krajnji rok za aplikaciju je 30. april/travanj, a od aplikanata se očekuje znanje engleskog jezika.

Za više informacija posjetite sljedeći link na kojem se nalazi brošura o treningu i aplikacioni obrazac:

http://www.icld.se/eng/Local_Political_Leaders_Capacitating_Women_in_Politics.pab

Pored ovoga, u ponudi je i program „Local Democracy and Social Sustainability with a Gender Perspective“, koji je namjenjen aplikantima iz Bjelorusije, Bosne i Hercegovine, Kosova, Gruzije, Makedonije, Moldavije, Turske i Ukrajine.

Krajnji rok za aplikaciju je, također 30. april/travanj, a od aplikanata se očekuje znanje engleskog jezika.

Za više informacija posjetite sljedeći link na kojem se nalazi brošura o treningu i aplikacioni obrazac:

http://www.icld.se/eng/Local_Democracy_SocialSustainability_Gender.pab





KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelsmad.com
www.eacea.ec.europa.eu



LAF STUDY TOUR ON EU POLICY ON WASTE MANAGEMENT

U okviru programa Local Administration Facility (LAF) organizuje se studijska posjeta Briselu pod nazivom „EU politike o upravljanju otpadom” (LAF Study Tour on EU policy on Waste management) koja će trajati od 17. do 19. juna/lipnja 2013. godine.

Cilj studijskog putovanja je pružiti priliku lokalnim i regionalnim predstavnicima za upoznavanje sa ovom oblasti u zemljama EU. Također, imat će priliku da razmijene svoja iskustva sa kolegama iz zemalja EU.

Studijsko putovanje je otvoreno za učesnike iz Zapadnog Balkana (Albanija, Bosna i Hercegovina, Hrvatska, Kosovo, Makedonija, Crna Gora i Srbija) i Tursku. Maksimalno po šest učesnika može biti izabrano iz svake od zemalja.

Aplikacija treba da sadrži popunjen prijavni formular, pismo interesa i CV. Zainteresovani kandidati treba da pošalju CV i pismo motivacije (sa detaljima njihovog obrazovanja i profesionalnog iskustva i na koji način će dalje da prenose informacije sa ovog studijskog putovanja). Prvi pregled pristiglih aplikacija obaviće EU Delegacija u BiH. Aplikacije treba da se šalju na adresu: DELEGATION-BIH-TAIX@eeas.europa.eu

Izbor kandidata vršiće Generalni direktorat za proširenje zajedno sa program menadžerima Delegacije Evropske unije u BiH.

Jezik studijskog putovanja je engleski pa je stoga aktivno znanje engleskog jezika preduslov za učešće. Učesnici će biti direktno kontaktirani od strane kancelarije Generalnog direktorata za proširenje, pa stoga je bitno da kandidati navedu direktan broj telefona u prijavnom formularu. Znanje engleskog jezika je važno zbog praktičnih vježbi gdje će biti traženo učešće svih polaznika. Studijska posjeta organizuje se za učesnike koji nisu do sada bili dio LAF događaja ove vrste.

Krajnji rok za podnošenje prijave je 12. maj/svibanj 2013. godine.

U slučaju da imate bilo kakvih pitanja u vezi sa aplikacijom, molim Vas kontaktirajte gđu. Esmiru Kešan na: esmira.KESAN@eeas.europa.eu



LAF STUDY TOUR ON RURAL DEVELOPMENT

U okviru programa Local Administration Facility (LAF) organizuje se studijska posjeta Briselu iz oblasti ruralnog razvoja (LAF Study Tour on Rural Development) koja će trajati od 19. do 21. juna/lipnja 2013. godine.

Cilj studijskog putovanja je pružiti priliku lokalnim i regionalnim predstavnicima za upoznavanje sa ovom oblasti u zemljama EU. Također, imat će priliku da razmijene svoja iskustva sa kolegama iz zemalja EU.

Studijsko putovanje je otvoreno za učesnike iz Zapadnog Balkana (Albanija, Bosna i Hercegovina, Hrvatska, Kosovo, Makedonija, Crna Gora i Srbija) i Tursku. Maksimalno po šest učesnika može biti izabrano iz svake od zemalja.

Aplikacija treba da sadrži popunjen prijavni formular, pismo interesa i CV. Zainteresovani kandidati treba da pošalju CV i pismo motivacije (sa detaljima njihovog obrazovanja i profesionalnog iskustva i na koji način će dalje da prenose informacije sa ovog studijskog putovanja). Prvi pregled pristiglih aplikacija obaviće EU Delegacija u BiH. Aplikacije treba da se šalju na adresu: DELEGATION-BIH-TAIX@eeas.europa.eu

Izbor kandidata vršiće Generalni direktorat za proširenje zajedno sa program menadžerima Delegacije Evropske unije u BiH.

Jezik studijskog putovanja je engleski pa je stoga aktivno znanje engleskog jezika preduslov za učešće. Učesnici će biti direktno kontaktirani od strane kancelarije Generalnog direktorata za proširenje, pa stoga je bitno da kandidati navedu direktan broj telefona u prijavnom formularu. Znanje engleskog jezika je važno zbog praktičnih vježbi gdje će biti traženo učešće svih polaznika. Studijska posjeta organizuje se za učesnike koji nisu do sada bili dio LAF događaja ove vrste.

Krajnji rok za podnošenje prijave je 20. maj/svibanj 2013. godine.

U slučaju da imate bilo kakvih pitanja u vezi sa aplikacijom, molim Vas kontaktirajte gđu. Esmiru Kešan na: esmira.KESAN@eeas.europa.eu

DANI OPĆINA ZA MJESEC MAJU/SVIBNJU I BITNI DATUMI ZA SAVEZ OPĆINA I GRADOVA FBiH


- **02. maj/svibanj - Dan Općine Centar Sarajevo.** Naime, toga dana 1992. godine dešavale su se presudne bitke za odbranu Predsjedništva RBiH.
- **02. maj/svibanj - Dan Općine Stari Grad.** Naime, toga dana 1992. godine dešavale su se presudne bitke za odbranu Starog Grada i Sarajeva, kao što su borba za kasarnu Druge armijske oblasti, presijecanje kolone motornih vozila u Dobrovoljačkoj ulici, odbrana zgrade Predsjedništva i oslobađanje predsjednika Predsjedništva BiH Alije Izetbegovića.
- **05. maj/svibanj - Savez općina i gradova FBiH primljen u članstvo CEMR-a.** Na sastanku CEMR-a (Vijeće evropskih općina i regiona), održanom u Reykjaviku 5. maja 2008.g., potvrđen je prijem Saveza općina i gradova Federacije BiH u punopravno članstvo. Ova organizacija je najveća organizacija lokalnih i regionalnih vlasti u Evropi. Njene članice su nacionalne asocijacije gradova, općina i regija iz više od 30 zemalja i predstavljaju više od 100.000 lokalnih i regionalnih vlasti. CEMR ima urede u Parizu i Briselu. Cilj ove organizacije je promoviranje ujedinjene Evrope zasnovane na lokalnoj i regionalnoj samoupravi i demokratiji.
- **08. maj/svibanj - Dan Općine Kladanj** i dan formiranja Teritorijalne odbrane 1992. godine.
- **15. maj/svibanj – Dan Općine Usora.**
- **16. maj/svibanj - Dan Općine Novo Sarajevo.** Ovaj datum simbolizira «Pofaličku bitku», kojom je 1992. godine agresoru onemogućeno da podijeli Sarajevo.
- **20. maj/svibanj - Dan Općine Bugojno.** Na ovaj datum 1886. godine prvi put zasjeda Gradsko vijeće Bugojna, što predstavlja i prvi oblik parlamentarizma, demokratije i političkog djelovanja kroz državne institucije vlasti. Inače, Bugojno kao selo prvi put se spominje 1574. godine.



Usora



Bugojno



Novo Sarajevo



Centar Sarajevo



Stari Grad Sarajevo



Kladanj

Savez općina i gradova Federacije
Bosne i Hercegovine

Musala 5/1
71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nađite nas na facebook-u



POSJETITE NAS NA WEB-U

WWW.SOGFBIH.BA

DANI OPĆINA ZA MJESEC MAJU/SVIBNJU I BITNI DATUMI ZA SAVEZ OPĆINA I GRADOVA FBiH

- **23. maj/svibanj - Dan Općine Kalesija.** Na ovaj dan 1992. godine jedinice Armije BiH oslobodile su uže područje Kalesije čime je postala prvi oslobođeni grad u BiH.
- **24. maj/svibanj - Dan Općine Čitluk.** Na taj dan 1306. godine Čitluk, odnosno Brotnjo, prvi put se spominje u trgovačkim odnosima s Dubrovnikom.
- **25. maj/svibanj - Dan Općine Bosanski Petrovac.**
- **27. maj/svibanj - Osnovana Mreža lokalnih i regionalnih vlasti jugoistočne Evrope.** Savez općina i gradova FBiH 27.05.2004. godine, zajedno sa drugim savezima lokalnih vlasti iz regije osniva Mrežu nacionalnih asocijacija lokalnih vlasti jugoistočne Evrope - NALAS, čime postaje član - osnivač NALAS-a.
- **29. maj/svibanj - Osnivačka skupština Saveza općina i gradova Federacije BiH.** U Mostaru je 29.05.2002. godine održana Osnivačka skupština sadašnjeg Saveza općina i gradova Federacije. Tom prilikom Savezu su pristupile 54 članice.



Čitluk

SAVEZ FBiH

OPĆINA I GRADOVA FEDERACIJE BIH



Kalesija



Bosanski Petrovac

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.